

Մրրկաց երազութիւնն:— Մրրկաց երազութիւնն 'ի Պելճիա ժա.
մուան մէջ գրեթէ 45 քիլոմետր է. 'ի Հոլանտա, ըստ աստղաբաշխա-
կան զննութեանց անցեալ ամին, ժամուան մէջ 50 քիլոմետր է. 'ի
Ստիրիա և Կարինտիա ըստ զննութեանց 1886 և 1887 ամաց, 29
քիլոմետր է. 'ի Հիւսիսային Գերմանիա մրրկաց արագութիւնն է 41
քիլոմետր, 'ի Գալլիա 41, 3, յիտալիա 35 քիլոմետր, 'ի Նորուեկիա
30 քիլոմետր:

ՅԻՇԱՏԱԿ ԵՒ ԿՍԿԻԾ

ԵՂԵՐԵՐԳՈՒԹԻՒՆ ՎՇՏԱՀԱՐ ՍՐՏԻ



Ուր էք մանկութեանս իմ չըքնաղ օրեր,
Ուր չէր դառնութիւն սըրտիս իմ ծանօթ,
Ուր երազ մ'անոյշ զիմ հոգիս կ'օրէր,
Ուր աշխարհ չէր ինձ բանտ անլոյս անօդ:

Ըզձեզ յաւիտեան, աւանդ, կորուսի,
Եւ ձեր հետ չըրթանցս իմ կորաւ ժըպիտ.
Աչկունք իմ անժամ անկան ի փոսի,
Յամբեցաւ կենաց յիս աղբիւր վըճիտ:

Օր մի կարծեցի լինել երջանիկ,
Վաճէ և այն երազ ոչ տեսց երկար,
Հրեշտակն այն թըռեաւ և ես կեամ մենիկ,
Հոգւով դեռ յօժար, բայց մարմնով տըկար ...:

Կ'ապրիմ, այլ վաղ իսկ ծանօթ եմ մահուան,
Անհունին կարօտն յիս կը զգամ արդէն,
Երկին իմ հոգւոյս վերջին օթեւան,
Եւ իմ փառք՝ զԱստուած ճանաչել մօտէն:

ԿԱՐԱՊԵՏ Ա. ՈՍԿԵԱՆ